



Universitätsbibliothek Paderborn

**D. Burchardi VVormaciensis Ecclesiae Episcopi,
Decretorum Libri XX. ex Consiliis, & orthodoxoru[m]
patru[m] Decretis, tum etiam diuersaru[m] nationum
Synodis, ceu loci communes congesti, in quibus ...**

Burchardus <Wormaciensis>

Parisiis, 1549

Quomodo sacerdotes plebem sibi comissam tempore poenitudinis
admonere, & instruere debeant. caput ii.

urn:nbn:de:hbz:466:1-10722

D. Burchardi

ECCLESIAE VVORMA- ciensis Episcopi, de Pœnitentia, Decretorum Liber XIX.

ARGUMENTVM LIBRI.

Liber hic corrector vocatur, & medicus: quia correctio-
nes corporum, & animarum medicinas plenè continet, &
docet vnumquemq; sacerdotem, etiam simplicem, quomo-
do vnique succurrere valeat, ordinato, vel sine ordine.
pauperi, diuiti, puero, iuueni, seni, decrepito, sano, infirmo
in omni aetate, & in vtroque sexu.

*Quo tempore presbyteri plebium, canonica autorita-
te discor dantes ad pacem, & delinquentes ad pœ-
nitentiam, compellere debeant. Cap. I.*

*Ex pœni-
tentiali
Romano.*

Ebdomada priori ante initium Quadra-
gesimæ, presbyteri plebium conuocent ad
se populum, & discor dantes canonica au-
toritate reconcilient, & omnia iurgia le-
dent, & tunc primùm confitentibus pœ-
nitentiam dent, ita vt antequam caput ieiunij veniat, om-
nes confessi pœnitentiam acceptam habeant, vt liberi
dicere possint, dimitte nobis debita nostra, sicut & nos di-
mittimus debitoribus nostris.

*Quomodo sacerdotes plebem sibi commissam tempo-
re pœnitentis admonere, & instruere, debeant.*

Caput II.

*Ex dictis
August.*

Presbyteri admonere debent plebem sibi subiectam, vt
omnis qui se sentit mortifero peccati vulnere faucere
tum, feria quarta ante Quadragesimam cum omni festin-
tione recurrat ad viuificatricem matrem Ecclesiam: vt
quod malè commisit, cum omni humilitate, & contritione

cordis simpliciter confessus, suscipiat remedia pœnitentiæ secundum modum canonicis autoritatibus præfixum. Non solum autem ille qui mortale aliquid commisit, sed etiam omnis homo quicumque se recognoscit immaculatam Christi tunicam quam in baptismo accepit, peccati macula polluisse, ad proprium sacerdotem festinet venire, & cum puritate mētis omnes transgressiones, omnia peccata, quibus Dei offensam se incurrisse meminit, humiliter confiteatur: & quicquid ei à sacerdote fuerit iniunctum, ac si ab ipso omnipotentis Dei ore esset prolatum, ita diligenter intendat, & cautissimè obseruat.

Episcopi, vel presbyteri quando fidelium recipiunt confessiones humiliare se debent, & cum tristitiæ gemitu lachrymisque orare, non solum pro suis delictis, sed etiam pro fratris casu. Ait enim Apostolus: Quis infirmatur, & ego non infirmor? Cùm ergo venerit aliquis ad sacerdotem confiteri peccata sua, mādēt ei sacerdos, ut expectet modicum donec intret Ecclesiā, aut in cubiculū suum ad orationem. Si autem locus non est aptus ad hoc, in corde suo dicat hanc orationem.

Oratio sacerdotis dicenda ad pœnitentiam venientibus. Cap. III.

Domine Deus omnipotens propitius esto mihi peccatori, ut condignè tibi possim gratias agere, qui me indignum propter tuam misericordiam ministrum fecisti officii sacerdotalis, & me exiguum humilemque mediatorem constituisti ad orandum, & ad intercedendum ad dominum nostrum Iesum Christum filium tuum pro peccatis, & ad pœnitentiam reuertentibus. Ideoque dominator domine, qui omnes homines vis saluos fieri, & ad agnitionem veritatis venire, qui non vis mortem peccatorum, sed ut conuertantur, & viuant, suscipe orationem meam quam fundo ante conspectu clementiæ tuæ, pro famulis & famulibus tuis, qui ad pœnitentiam venerunt, ut des illis spiritum compunctionis, ut respiscant à diaboli laqueis, à quibus astricti, tenentur & ad te per condignā satisfactionem reuertantur, Per eundem dominum nostrum Iesum Christum filium tuum, &c.